

“ინტერნეტ ფილტრით” სარგებლობის წესები და პირობები

- 1.1. „ინტერნეტ ფილტრი“ წარმოადგენს შპს „მაგთიკომის“ (შემდგომში - ოპერატორი) მიერ შემუშავებულ მექანიზმს, რომელიც საშუალებას აძლევს აბონენტს ფიქსირებული და მობილური ინტერნეტ მომსახურების ფარგლებში, შეზღუდოს ინტერნეტგვერდების ხელმისაწვდომობა სპეციალური სარეინტინგო სიის საფუძველზე, ასაკობრივი ნიშანდების მიხედვით.
- 1.2. „ინტერნეტ ფილტრის“ გააქტიურებით აბონენტი ეთანხმება წინამდებარე დოკუმენტით განსაზღვრულ და ოპერატორის ვებ-გვერდზე გამოქვეყნებულ სარგებლობის წესებსა და პირობებს.
- 1.3. სარეინტინგო სიის შედგენას/განახლებას ახორციელებს საქართველოს კომუნიკაციების ეროვნული კომისია (შემდგომში - კომისია) და ქვეყნდება კომისიის ვებ-გვერდზე. სარეინტინგო სია მოიცავს ინტერნეტგვერდებს, სადაც განთავსებულია აუდიოვიზუალური პროდუქცია (პროგრამები, თამაშები, ფილმები, მათ შორის ანიმაციური ფილმები და სერიალები).
- 1.4. სარეინტინგო სია წარმოადგენს იმ ინტერნეტგვერდების ჩამონათვალს, რომელიც მოცემულია კომისიის ვებ-გვერდზე და რომელზე წვდომაც, აბონენტის სურვილის შემთხვევაში, შეიზღუდება შესაბამისი ასაკობრივი ნიშანდების მიხედვით.
- 1.5. „ინტერნეტ ფილტრის“ გააქტიურება შესაძლებელია შემდეგი ასაკობრივი ნიშანდებით:
 - 1.5.1 ინფორმაცია შეუფერებელია 7 წლამდე არასრულწლოვნისთვის;
 - 1.5.2 ინფორმაცია შეუფერებელია 12 წლამდე არასრულწლოვნისთვის;
 - 1.5.3 ინფორმაცია შეუფერებელია 15 წლამდე არასრულწლოვნისთვის;
 - 1.5.4 ინფორმაცია შეუფერებელია 18 წლამდე არასრულწლოვნისთვის.
- 1.6. „ინტერნეტ ფილტრის“ ჩართვა/გამორთვა შესაძლებელია:
 - 1.6.1 ოპერატორის მომსახურების ოფისში წერილობითი განაცხადის შევსებით; ან
 - 1.6.2 ოპერატორის პორტალის (mymagti.ge) საშუალებით. ამასთან, პორტალზე სერვისის ჩართვა/გამორთვა შეუძლია მხოლოდ იდენტიფირებულ მომხმარებელს (პორტალის საშუალებით „ინტერნეტ ფილტრის“ ჩართვა/გამორთვა, ისევე როგორც იდენტიფიცირების პროცედურა და წესები მოცემულია პორტალზე), იდენტიფიცირებისას არჩეული პინ-კოდის საშუალებით.
- 1.7. „ინტერნეტ ფილტრის“ აქტივაცია არ გულისხმობს, რომ შეიზღუდება ინტერნეტ სივრცეში არსებული და ბავშვისთვის საფრთხის შემცველი ნებისმიერი ინფორმაცია/კონტენტი, არამედ შეიზღუდება მხოლოდ სარეინტინგო სიაში არსებული ინტერნეტგვერდები.
- 1.8. აბონენტს შეუძლია მის სახელზე გაფორმებულ ნომერზე/UID-ზე „ინტერნეტ ფილტრის“ გააქტიურება თუ:
 - მოქმედი ხელშეკრულების საფუძველზე ოპერატორისაგან მიეწოდება ოპტიკური ან/და მობილური ინტერნეტ მომსახურება; და
 - არ აქვს შეზღუდული/შეჩერებული/შეწყვეტილი აღნიშნული მომსახურებ(ებ)ის მიწოდება.
- 1.9. ოპერატორი უფლებამოსილია დროდადრო შეცვალოს „ინტერნეტ ფილტრის“ პირობები, რის თაობაზეც აცნობებს აბონენტს ხელშეკრულებით დადგენილი წესით.
- 1.10. აბონენტი აცნობიერებს, რომ სარეინტინგო სიების შედგენა/განახლება ხორციელდება კომისიის მიერ კანონმდებლობით დადგენილი წესით. შესაბამისად, ოპერატორი იხსნის ყოველგვარ პასუხისმგებლობას ინტერნეტგვერდების შესაბამისი ნიშანდების მინიჭების ან არ მინიჭების ან არასწორი მინიჭების სისწორეზე.
- 1.11. როუმინგის მომსახურების შემთხვევაში, ინტერნეტ მომსახურების მისაღებად, აბონენტმა თავად უნდა შეცვალოს მობილურ ტელეფონში ინტერნეტით სარგებლობისათვის აუცილებელი პარამეტრი - APN, რომელიც შეესაბამება მის მიერ წინასწარ არჩეულ ასაკობრივ ნიშანდებს, კერძოდ: ინფორმაცია შეუფერებელია 7 წლამდე არასრულწლოვნისთვის - APN: R7; 12 წლამდე არასრულწლოვნისთვის -

APN: R12; 15 წლამდე არასრულწლოვნისთვის - APN: R15; 18 წლამდე არასრულწლოვნისთვის - APN: R18.